

正法念處經

才十八

二百九十  
初八

49653



山...寺法金剛...置

佛...法...轉...轉

法...轉...轉





正法念處經卷第十八

元魏婆羅門瞿曇般若流支譯

初八

畜生品第五之一

復次比丘知業果報如實觀諸地獄知業果

報一百三十六地獄中衆生壽命長短增減

如實知已觀第二道無量餓鬼略而說之

十六種及觀業行亦如實知彼以聞慧觀諸


畜生種類差別三十四億隨心自在生於五

道於五道中畜生種類其數最多種種相貌

種種色類行食不同群飛各異憎愛違順伴

行雙隻同生共遊所謂飛禽及諸走獸烏鵲

鵝鴈鴻鳥衆類異群別遊不相怨害狐狗野





千等互相憎嫉烏與角鴉馬及水牛蚺蛇鼯  
等共相殘害形相不同行食各異以何業故  
種種形相行食各異彼以聞慧觀是衆生爲  
種種心之所役使作種種業入種種道噉種  
種食觀察彼業以何因故各各異類共相憎  
嫉即以聞慧知此衆生於前世時以邪見故  
習學邪法復有衆生亦學邪法而生邪慢以  
邪見論邪見譬喻互相諍論雖共談論無所  
利益無有安樂亦非善道如是二人身壞命  
終墮於地獄受無量苦從地獄出以本怨憎  
墮畜生中是故怨對還相殺害所謂蚺蛇黃  
鼯馬及水牛烏角鴉等



復次比丘知業果報觀諸畜生以何業故畜  
生之類相隨無害即以聞慧知此衆生於人  
中時爲生死故行布施時尋共發願於當來  
世常爲夫妻是人身壞命終之後生畜生中  
而有少樂非大苦惱謂命命鳥鴛鴦鴿鳥多  
樂愛欲以業因故

復次比丘知業果報觀諸畜生狐狗野干以  
何業故性相憎害即以聞慧知此衆生於人  
中時於諸善人出家人所汙其淨食常戲鬪  
諍貪心因緣身壞命終墮畜生中受於野干  
狐狗之身互相憎嫉

復次比丘知業果報觀諸麀鹿以何業故而

生彼處即以聞慧知此衆生爲前世時喜作  
強賊擊鼓吹貝至於城邑聚落村營破壞人  
柵作大音聲加諸恐怖如是之人身壞命終  
墮於地獄具受衆苦從地獄出生麀鹿中心  
常怖畏以本宿世破人村落令他恐怖是故  
生於曠野山林常多恐怖以業力故若生人  
中心常恐怖小心怯弱多懷怖畏餘業緣故  
如是少分觀畜生處互相憎嫉以多業故共  
相殘害隨本業故

復次比丘知業果報觀諸畜生以何業故受  
化生身即以聞慧知此衆生於前世時爲求  
絲絹養蠶殺繭或蒸或煮以水漬之生無量



虫名火髭虫有諸外道受邪齋法取此細虫  
置於火中供養諸天以求福德身壞命終墮  
於地獄具受衆苦從地獄出生於俱舍諸化  
生中種種異類

復次比丘知業果報觀諸畜生以何業故墮  
濕生中彼以聞慧知此衆生起惡邪見殺害  
龜鼈魚蟹蚌蛤及小池中多有細虫或酢中  
細虫或有惡人爲貪財故殺諸細虫或邪見  
事天殺虫祭祀身壞命終墮於地獄具受衆  
苦不可稱計從地獄出受濕生身或作蚊子  
或爲蚤虱觀二種生已如是次第以微細心  
觀業果報觀於卵生諸衆生等以何業故而

生彼處若人未斷貪欲恚癡修學禪定得世  
俗通有因緣故起瞋恚心破壞國土是人身  
壞命終墮於地獄受無量苦從地獄出受於  
卵生飛鳥鷗鷺之形從此命終若生人中常  
多瞋恚以餘業故

復次比丘知業果報彼以聞慧觀諸畜生以  
何業故受胎生身若有衆生以欲愛心和合  
牛馬令其交會以自悅意或令他人邪行非  
禮是人身壞命終之後墮於地獄具受衆苦  
從地獄出受於胎生畜生之身若生人中受  
黃門身以餘業故

復次比丘觀十一種畜生已次觀四種衆生



從地獄出受四種食何等爲四一者搏食二  
者意思食三者觸食四者識愛食比丘思惟  
觀察四食果報以聞慧觀見有衆生以諸搏  
食與惡戒者及諸賊人既食之後令此賊人  
殺害除怨是賊受語即殺彼怨如是惡人身  
壞命終墮於地獄具受衆苦從地獄出墮於  
段食畜生之中受水牛牛羊駝驢馬猪狗野  
于麀鹿犛牛烏鷄鷓鴣鴨孔雀命命鴻鳥  
雜類衆鳥多處曠野嶮岸中生是名少分搏  
食衆生

復次比丘觀於觸食衆生之類住在殼中或  
初出殼以觸爲食復有衆鳥樂住水中依岸

為巢或穿河岸以為窠窟數產卵殼龍蛇等類以何業故而受觸食比丘觀察即以聞慧知此衆生於前世時心許行施思惟籌量後心還悔而不施與以不善業墮畜生中以本思心受觸食報復次比丘觀於思食諸衆生等以何業故而

受思食即以聞慧知衆生類謂赤魚子堤彌魚子錯魚等子螺蚌蛤卵思心為食若母憶念則不飢渴身命增長以何業故而生此處即以聞慧知此衆生愚癡少智不識業果許施人物而語之言却後半月或至一月我當施汝財物飲食金銀珍寶時彼貧人聞其許



施心生歡喜美言讚歎一月半月半月望有所得  
時貧窮人往至其家是時其人更作異語不  
復本信如是惡人命終之後墮於憂喜地獄  
之中具受衆苦從彼命終墮畜生中意思爲  
食以其前世許他貧人今生歡喜後竟無實  
以是因緣若生人中爲人奴婢以餘業故

復次比丘知業果報觀諸畜生第四識食即  
以聞慧見有畜生愛識苦惱常憶飲食生曠  
野中受大蟒身蜥蜴等身唯吸風氣復有光  
明天亦名愛識憶食而非苦惱見食憶持隨  
念即飽畜生憶食以何業故而受斯報即以  
聞慧知此衆生或以多瞋或以多癡殺害衆

生彼人身壞生惡道中受大蟒身以前世時  
好愛怨結自縛其心以是因緣生畜生中受  
斯苦惱愛識食風若生人中於無因處常懷  
瞋恚而起鬪諍以餘業故

復次比丘知業果報觀無量無邊畜生世間  
去何衆生受水虫身彼以聞慧知此衆生愚  
癡少智無有慧心臨命終時極患渴病貪愛  
念水身壞命終墮於惡道受水虫身作種種  
魚是人命終於中陰有見諸水時起心即往  
生於水中取因緣有此中陰有分若本不行  
布施持戒是人則生燂水之中口常乾燥如  
觸灰汁以本業故

中陰有見諸水時起心即往



復次比丘知業果報觀諸飛鳥畜生之類以  
何業故行於虛空無礙之處即以聞慧觀三  
種神通何等為三一者解脫神通二者身行  
神通三者心自在神通是解脫人隨心憶念  
若鳥行地界若飛於空亦如地行非解脫法  
諸佛如來神通之力如心念緣隨意能至右  
三種作如是三種聖神通勝

復次比丘知業果報觀於畜生云何觀於地  
獄畜生天人水行陸行空行飛鳥走獸彼以  
聞慧觀地獄中種種苦惱有二種畜生有衆  
生數非衆生數衆生數者生於彼處被燒苦  
惱非衆生數者地獄罪人以顛倒心見諸大

鳥於虛空中翱翔遊戲心即生念願生此處  
隨念即生受飛鳥身具受如上地獄苦惱以  
惡業報生地獄中見諸師子形色可畏虎豹  
大鳥惡虫蟒蛇大惡色者非衆生數以諸逼  
惱害地獄人是衆生數業之所得今諸罪人  
受大苦惱彼無苦惱畜生衆生在地獄中爲  
師子虎豹乃至蟒蛇之所惱害

復次比丘知業果報觀飢渴燒身諸餓鬼道  
有諸畜生受飢渴苦即以聞慧見三十六種  
餓鬼道中生諸飛鳥從人中死生於鳥中受  
鳥鷄鴈鷺鷹鷄等鳥害生之類從鳥中死生  
餓鬼世間受餓鳥身飢渴燒身啄諸餓鬼拔



其眼出或破其頭而食其腦如是餓鬼眼睛  
腦髓熱如融銅此等衆生皆共食之以惡業  
故比丘如是觀餓鬼鳥已即以伽他而呵責言  
熱業得熱報 具受諸大苦 如是應捨離

此惡不善業 勿造斯惡業 貪嫉自破壞  
若行貪嫉者 墮餓鬼畜生 互共相殘害

或打縛繫閉 則受餓畜生 故應捨愚癡  
愚癡自壞心 遠離於戒施 為愛所誑惑

則墮畜生中 不識行邪正 食所不應食  
應作而不作 不解法非法 五根癡頑鈍

但作畜生業 如是比丘觀諸畜生但有一業時所繫縛

轉無量百千生死受畜生中無量百千種種  
苦網之所繫縛畜生一業無量因緣次第貪  
欲業繫不斷生大海中深十由旬受於摩竭  
大魚螺蚌蛤虫堤弥鯢羅那迦錯魚迭互相  
畏常懷恐怖多行姪欲愚癡因緣非法邪行  
不識應行不應行處生大海中爲水焦惱常  
患飢渴互相殘害惶怖相畏若多行瞋癡生  
大海中深万由旬受毒龍身迭共瞋惱瞋心  
亂心吐毒相害常行惡業龍所住城名曰戲  
樂其城縱廣三千由旬龍王滿中有二種龍  
王一者法行二者非法行一護世界二壞世  
間於其城中法行龍王所住之處不雨熱沙



非法龍王所住之處常雨熱沙若熱沙著頂  
熱如熾火焚燒宮殿及其眷屬皆悉磨滅滅  
已復生

復次比丘知業果報觀龍世界雨熱沙苦以  
何業因而受斯報即以聞慧知此衆生於人  
中時愚癡之人以瞋恚心焚燒僧房聚落城  
邑如是惡人身壞命終墮於地獄受無量倍  
從地獄出生於龍中以前世時以火燒人村  
落僧房以是因緣受畜生身熱沙所燒  
復次比丘觀龍世間以何業故生於彼處以  
何緣故不為熱沙之所燒害即以聞慧知此  
衆生於前世時受諸外道世間邪戒行於布

施而不清淨如上所說七種不淨以瞋恚心願生龍中是人身壞命終之後墮戲樂城受龍王身生彼城已瞋恚心薄憶念福德隨順法行如是龍王其身不受熱沙之苦

復次比丘知業果報觀龍世間以何業故法行龍王生戲樂城戲樂城者為何等相即以聞慧觀法行龍王所住之城七寶城郭七寶色光諸池水中憂波羅華衆華具足蘇陀味食常受快樂香鬘纓珞末香塗香莊嚴其身神通憶念隨意皆得然其頂上有龍蛇頭於其城中有諸法行龍王其名曰七頭龍王象面龍王婆脩吉龍王得叉迦龍王跋陀羅龍



王

魏言  
賢龍

盧醯多龍王

魏言  
赤龍

鉢摩梯龍王雲鬘

龍王阿跋多龍王一切道龍王鉢婆呵龍王

魏言  
忍龍

如是等福德諸龍隨順法行以善心故

依時降雨令諸世間五穀成熟豐樂安隱不

降灾雹信佛法僧隨順法行護佛舍利如是

龍王無熱沙苦受第一樂於四天下降澍甘

雨謂閻浮提瞿陀尼弗婆提鬱單越若人順

法孝養父母供養沙門及婆羅門修行正法

令法行龍王增長大力以法勝故降微細雨

五穀熟成色香味具無諸灾害菓實繁茂衆

華妙色日月晶光威德明淨福德龍王不放

毒風閻浮提人有四因緣則多喪命何等為

四一者飢儉二者刀兵三者毒風四者惡雨  
若諸世間隨順法行修諸福德法行龍王增  
長大力不出惡雲不降惡雨無惡風氣衆水  
調善稻穀豐熟菓味肥美色香味具食之無  
病離諸飢惱色力具足四大安隱修行善業  
以行善業助其果報田稼豐熟法行龍王如  
是次第擁護順法修善衆生觀閻浮提已觀  
瞿陀尼云何順法龍王護瞿陀尼界  
衆生心輒唯有一惡以水濁因緣食之天命  
順法龍王於彼世界不雨濁水瞿陀尼人食  
清水故得無病惱以龍力故  
復次比丘知業果報觀弗婆提法行龍王云



何與樂彼以聞慧知弗婆提人若聞雷聲若一  
見電光以心契故即得病苦法行龍王於彼  
世界不作雷音不放電光令弗婆提人不遭  
病苦龍王力故

復次比丘知業果報觀鬱單越人去何衰惱  
彼以聞慧知鬱單越人若遇黑雲冷風所吹  
香華不敷既見華合心懷憂惱黑雲起故猶  
迦賒山鳥鳴麓惡衆樂音聲悉無美音於惡  
龍所得此衰惱法行龍王不以黑雲冷風飄  
鼓如是四天下法行龍王以義安樂利益衆  
生復次比丘知業果報觀龍世間何等惡龍  
不順法行即以聞慧知戲樂城諸惡龍王不

順法行其名曰波羅摩梯龍王

魏言毗謚林

婆龍王

魏言奮迅

迦羅龍王

魏言黑色

睽樓睽樓龍王

魏言多聲

任於海中戲樂城內云何此等非法惡

龍增長勢力彼以聞慧知諸眾生不行善法

不孝父母不敬沙門及婆羅門如是惡龍增

長勢力於閻浮提作大惡身以惡心故起惡

雲雨所雨之處生惡毒樹惡風吹樹毒氣入

水令水雜毒一切五穀皆悉弊惡若有食者

則得病苦穀力薄故令人短命是弊龍王惡

心灾毒迭互相害以是惡故閻浮提人悉皆

毀壞以非法龍作諸惡故

復次比丘知業果報觀於自在大力龍王云



何非法惡行龍王以諸衰患惱瞿陀尼彼以  
聞慧知非法惡龍於瞿陀尼空山嶮處降澍  
洪雨令一切水皆悉淹濁瞿陀尼人若有飲  
者以此因緣得大衰惱如是比丘觀瞿陀尼  
如實了知

復次比丘知業果報觀弗婆提彼以聞慧知  
諸世間不修法行時惡龍王力勢增長震吼  
大雷如大山崩弗婆提人以軟心故多遭病  
苦或耀電光遍滿世界如火熾然雲中龍現  
眼如車輪其身黑惡猶如黑山其頸三頭奮  
出衆花形如馬相或作蛇身現如是等種種  
惡身令弗婆提有人見之得大衰惱

復次比丘知業果報觀鬱單越如第二天去  
何惡龍於鬱單越人加諸衰惱即以聞慧知  
鬱單越僧迦賒山如前所說蓮華常開香氣  
飜流其色妙好彼國衆人輒之歡喜若世間  
人不孝父母不供養沙門婆羅門時惡龍王  
以自在心勢力增長起大重雲猶如黑山驢  
黓垂布掩蔽日光蓮華即合無有香氣失金  
色光鬱單越人見華旣合愁惱怯劣雲中出  
風吹衆樂音皆悉亂壞不可愛樂如是四天  
下惡龍勢力而作衰害

復次比丘知業果報觀四天天下有勝有劣彼  
以聞慧觀鬱單越國快樂安隱勝三天下閻



浮提人行法非法以是因緣苦樂增減是三  
天下增長業地行十善道有佛出世以閻浮  
提因緣故有四天下閻浮提人思惟修行十  
善業道能修梵行此世界中多能思惟觀察  
生滅此國金剛金剛坐處一切世間閻浮提  
國悉無此坐金剛坐處八萬四千由旬佛坐  
此座生菩提心以此因緣如來出於閻浮提  
國非餘天下何以故善根成就得佛菩提須  
彌山王尚不能持何況餘地以是因緣佛處  
閻浮提不處餘國人身難得閻浮提中造業  
因緣得生人中以此因緣四天下中閻浮提  
國第一最勝非餘天下

復次比丘知業果報觀龍世界以何業故非法行龍王吞食蝦蟇噉食沙土呼吸食風彼以聞慧知此衆生於人中時欺陵妻子獨飯美食其人妻子見之戀著口中流涎此人獨食飽滿充足於妻子所但與鹿澀如是之人身壞命終墮於龍中吞食蝦蟇噉沙吸風受相似業果

復次比丘知業果報觀龍世界以何業故諸龍降雨復以何業降諸灾雹即以聞慧知此惡龍含毒瞋恚不順法行一一龍王瞋恚鬪諍起惡雲雨惡風灾雹悉令五穀散壞不收以諸衆生行於非法惡龍瞋恚故有斯變



復次比丘知業果報觀龍世界云何於閻浮  
提降注時雨潤益甘蔗稻麻叢林大小麥豆  
五穀增長即以聞慧見法行龍王降注時雨  
以義安樂利益衆生以諸衆生隨順法行降  
注時雨令國豐樂

復次比丘知業果報觀一切龍所住宮殿幾  
許龍衆住於海中幾許龍衆住於衆流即以  
聞慧知閻浮提人不順法行無量諸龍住於  
衆流閻浮提人隨順法行五十七億龍住於  
衆流

復次比丘知業果報觀龍世間觀戲樂城及  
流水龍已觀大海底何等衆生住在其中即

以聞慧知大海地下天之怨敵名阿脩羅略  
說二種何等爲二一者鬼道所攝二者畜生  
所攝鬼道攝者魔身餓鬼有神通力畜生所  
攝阿脩羅者住大海底須彌山側在海地下  
八萬四千由旬略說四地第一地處二萬一  
千由旬是羅睺阿脩羅王所住之處此羅睺  
阿脩羅王於欲界中化身大小隨意能作以  
人行善不善力故時阿脩羅作是思惟我當  
觀彼怨家園林遊戲之處與諸綵女共相娛  
樂恣意受樂思惟是已即自莊嚴以大青珠  
玉波頭摩珠玉光明威德珠玉或以金玉五  
色赤珠玉或以雜色衣玉若青若赤若黃若



黑種種諸色莊嚴其身以爲甲冑光明晃煜  
時羅睺阿脩羅王身量廣大如須彌山王遍  
身珠寶出大光明大青珠寶出青色光黃黑  
赤色亦復如是以珠光明心大憍慢謂與天  
等欲令天女阿脩羅女愛敬其身從城中出  
其所住城名曰光明縱廣八千由旬無量寶  
林流泉浴池諸樹蓮華莊嚴其城首冠華鬘  
塗香白嚴散以末香從城而起觀天園林遊  
戲之處若闍浮提人不行正法不孝養父母  
不敬沙門婆羅門及諸尊長不依法行不奉  
三寶不觀善法及不善法諸天勢力悉爲減  
少四天王天展轉相告悉避逃逝恐師子兒

羅睺阿脩羅王來殺我等若閻浮提人修行  
正法孝養父母敬事師長供養沙門耆舊長  
宿一切諸天勢力增長時四天王以衆寶衣  
莊嚴其身塗香末香即時當於師子兒羅睺  
阿脩羅上虛空之中雨諸刀劍一切天衆心  
生喜悅至須彌側發聲大叫若天不出阿脩  
羅王欲觀園林日百千光照其身上莊嚴之  
具映障其目而不能見諸天園林遊戲娛樂  
受樂之處時羅睺阿脩羅王作是思惟日障  
我目不能得見諸天綵女我當以手障日光  
輪觀諸天女即舉右手以障日輪欲見天女  
可愛妙色手出四光如上所說立海水中水



至其腰寶珠光明或青或黃或赤或黑以手障日世間邪見諸論師等咸生異說言羅睺阿脩羅王蝕日若日赤色黑色以如是法相人壽命不識業果諸相師等作如是說或言當豐或言當儉或言凶禍殃及王者或言吉慶時阿脩羅手障日已諦觀諸天園林浴池遊戲之處時天帝釋見是事已勅諸天衆莊嚴宮殿令諸天子以種種寶莊嚴其身往趣羅睺阿脩羅所欲共鬪戰時羅睺阿脩羅王見諸天衆即還宮城

復次比丘云何觀月蝕即以聞慧知羅睺阿脩羅王眷屬宮衆行於海上見月常遊憂陀

延山頂行閻浮提住毗瑠璃光明之中端嚴  
殊妙百倍轉勝官屬見已即至羅睺阿脩羅  
所白言大王滿月端嚴如天女面時羅睺王  
聞是說已愛心即生欲見天女從地而起渴  
仰欲見以手障月欲見天女阿脩羅王無量  
衆寶莊嚴其身如上所說閻浮提中呪術師  
等而作呪曰一切國土聚落城邑衆惡速滅  
一切世間土地衆惡速滅一切婆羅門中衆  
惡速滅若月黑色黃色世間相師作如是說  
或言當豐或言當儉或言王者凶禍或言吉  
慶或言兵刃勇起或言不起瞿陀尼弗婆提  
鬱單越隨其方面所蝕之處無邪見說以此



一因緣故日月掩蔽謂是月蝕復次二因緣  
故掩蔽日月天降大聲羅睺阿脩羅王住大  
海下時諸官屬白言大王天主憍尸迦任須  
彌山頂善見城內處善法堂諸天功德五欲  
具足眷屬圍繞歡娛受樂天主憍尸迦為諸  
天主大王今為我等所尊王有大力神通勝  
彼可率官屬往攻天主壞善見城時阿脩羅  
即受其語奮威縱怒出光明城震吼如雷闍  
浮提中諸國相師謂天獸下說如此相或言  
豐樂安隱無他或言災儉五穀勇貴或言王  
者崩亡或言吉慶靈應嘉祥或言兵刀起於  
境內或言人民安樂無變或言當須齋肅潔

淨拜神求福時羅睺阿脩羅王如是思惟我  
寶珠等留此城內爲我諸子作大光明若無  
寶珠則無光明天上亦亦有日月故則有光  
明若無日月則應闇冥我今寧可覆蔽日月  
今天黑闇時阿脩羅思惟是已從城而起即  
以一手覆障日月諸光明輪世間愚人諸相  
師等咸記灾祥如上所說復以一毛摩須弥  
頂欲與諸天使其得失是阿脩羅畜生少智  
見天種種勝相莊嚴威德光明心生疑悔還  
歸所止任光明城是名第二因緣掩蔽日月  
今日月蝕天聲震吼  
復次比丘知業果報觀大羅睺阿脩羅王所



受之樂彼以聞慧觀河脩羅所住城內種種  
衆寶以爲莊嚴在須彌山側深二萬一千由  
旬廣八千由旬蓮華浴池林樹鬱茂皆悉具  
足真金爲地色若電光金殿堂閣珊瑚寶樹  
懸衆寶鈴出妙音聲種種樂音歡娛受樂一  
一池中金華莊嚴鳧鷖鴛鴦皆真金色以爲  
嚴飾見者愛樂如天衆鳥摩尼爲翫歡喜遊  
戲七寶雜色青毗瑠璃以爲羽翼於諸樓閣  
欄楯之間歡娛遊戲甚可愛樂出妙音聲見  
者悅樂一切衆鳥亦復如是清淨無穢端正  
莊嚴孔雀翡翠尾也眼互開合頭頂勝冠雙  
類隨行飲食華汁婆鳩羅華其聲雅妙如童

子音頂冠金色或毗瑠璃於欄楯間翱翔戲  
遊未曾休息恣於華汁其目紺青身色雜綵  
如間電光衆色分明黃色細軟鮮明如電行  
於林樹山巖之間縱逸遊戲華瓊瓔珞如天  
虹色光明繞身如瓊莊嚴咽喉含笑如赤珠  
色羽翅柔軟如蓮華敷無量衆色長摩尼紫  
身氣香潔如畢利迦遊戲宮殿雙類同行習  
翼潤澤飛則俱遊澡潔清池翱翔陸庭亦復  
如是哀鳴相呼出微妙音發慾之音俱只羅  
鳥遮俱羅鳥婆求羅鳥如是衆鳥遍滿城中  
林樹之間悉聞其音多有林樹蓮華浴池以  
爲莊嚴於其城中有四園林皆是金樹一一



園林縱廣正等滿百由旬一名遊戲二名馳  
樂三名鷲任四名俱只羅此四園林映飾其  
城一一林樹有三千種如願之樹其樹金色  
如雲如影其枝柔軟鳥栖其上衆華常敷香  
氣芬馥滿一由旬多有群蜂流蜜充溢或金  
色樹酒泉流樹牛頭梅檀香樹有如雲色七  
葉香樹只多迦樹畢利迦樹微風吹動黑沉  
水樹普眼香樹明燈香樹摩尼香樹火色香  
樹青無憂樹赤無憂樹婆究羅樹阿只多樹  
阿珠那樹尼朱羅樹青荆香樹提羅迦樹有  
如是等衆華香樹其華敷榮常若新出復有  
衆菓摩頭迦樹鳳皇子樹婆那娑樹其菓無

遮菓樹垂瓠菓樹毗頭羅樹地蓋菓樹虛空  
蓋樹雲色菓樹樂見菓樹遮雲菓樹鳥集菓  
樹蜂芒菓樹香鬘樹香華樹種種色華時時  
常敷女人見之皆生樂著樹蒲桃樹迦卑他  
樹波流沙迦樹其葉具足光明莊嚴鬱映渠  
流嚴飾泉池觀之可愛如是種種諸樹或有  
生於閻浮提中或有生於鬱單越國或有生  
於阿脩羅王光明城中或有華樹或有菓樹  
或有酒樹阿脩羅王遍行遊觀歡娛受樂與  
衆嫖女圍繞自娛於此煩惱染無常不堅速  
朽之樂謂爲甘露不死之地阿脩羅王有四  
嫖女從憶念生一名如影二名諸香三名妙



林四名勝德此四姝女有十二那由他侍女  
以爲眷屬圍繞阿脩羅王娛樂恣情縱逸受  
樂無喻可說阿脩羅王自業成就無量億衆  
姝女圍繞歡娛喜樂千柱寶殿寶房行列  
復次比丘知業果報觀羅睺阿脩羅王以何  
業報得阿脩羅道作何業故得如是報伽陀

頌曰

無因則無果

造業必有報

如種子得菓

善業生人天

善業得樂果

常處天人中

惡業墮三處

阿脩羅云何

彼受畜生道

去何受樂報

少智莫能了

此有何因緣

比丘思惟已即以聞慧觀阿脩羅往昔過去

習婆羅門法第一聰慧善知世間種種伎術  
喜行布施於曠野中施諸飲食菓食根食清  
泉美水房舍敷具又於四交路首施諸病人  
行路估客盲冥貧窮施於房舍飲食敷具悉  
令滿足而不正見尔時彌梯羅林有僧伽藍  
縱廣二十由旬於其寺中有無量百千佛塔  
寶炎莊嚴毘彌王等五百大王共造斯福中  
有一塔真金纓珞炎燄莊嚴七寶映飾種種  
裝校隨其曾聞諸佛名号皆悉畫畫如來影  
像種種林樹池流泉源莊嚴勝妙如上所說  
尔時閻浮提中如羅睺阿脩羅王城中林樹  
皆悉具有如所見樹畫工畫飾莊嚴佛塔



池流泉衆妙蓮華衆鳥遊戲亦如上說時婆  
羅門名曰婆利誦毗陀論廣造福業如上所  
說時婆羅門以四十乘車載衆飲食至大曠  
野衆人行路欲施所須見一佛塔高二由旬  
廣五十里時有惡人以火燒塔捨之而去時  
婆羅門見火燒塔作是思惟我今寧可且住  
施福救如來塔奇妙莊嚴彫飾精麗廣大希  
有當滅此火令塔不壞若我不救王若知者  
或加重罰非實信心非尊重心即以四千乘  
車載水以滅此火旣滅火已含笑而言我救  
此塔爲有福德無福德耶若有福德願我後  
身得大身相欲界無等雖作此願而猶無信

不正思惟常愛鬪戰不信正業福田為故生  
光明城作阿脩羅王

正法念處經卷第十八

初

鵝反尺脂 蚯地 蝮上音 又九 馳反余救 柵反楚責 蠶昨  
垂同俗 繭反古典 漬反在智 蟹上胡解 蟀反上蒲講 蛤反下吉

合反 酢昨音 蚊文音 蚩上音 虱上音 犛一莫交 反反 殼反 殼反 殼反 苦反 角反  
同反 巢反助交 窠和上 古反 蟬反母朗 蜥音 蜴下音 先擊 反

燻煖 二同 翔下上 吾音 高反 鷹下上 鷓於陵 反音 亦擊 反

困反徒 鯢反吾 號下呼 梯反他 澍音 晶音 光上 鈍

了反正 作反 謀反是林 奮迅 下上 方問 反反 僚反郎到 粉

焚音 黥音 黥音 下上 他感 反反 蝦反 墓下上 音音 麻反 甲反 冑下直 右反 鼻



力音攔

楯

下時

反

虹

紅音

翅

反施

智

俱

枳

下居

反

翻

馥

字

伏音焚

溢

反夷

一

瓠

護音

芒

亡音



